

ՀԱՐՑՈՒՄ ՊԱՏԱՍԽԱՆ Ս. ՄԿՐՏՈՒԹԵԱՆ ԵՒ ԴՐՈՇՄԻ ՄԱՍԻՆ

5) Ի՞նչ ըրին առաքելները Յիսուսի յարութենէն ետք:

Հետեւելով Տիրոջ պատգամներուն առաքելները ամէն տեղ կը քարոզէին Քրիստոսով աւետարանուած փրկութիւնը եւ հաւատացեալները կը մկրտէին: Առաջին հաւաքական մկրտութիւնը տեղի ունեցաւ Հոգեգալուստին, երբ հոգին կրակէ լեզուներու տեսքով իջաւ առաքելներուն վրայ: Երբ այդ օրը Ս. Պետրոսի քարոզէն վերջ մարդիկ իրեն հարցուցին, թէ ի՞նչ կ'ընեն փրկուելու համար, առաքելը անվարան պատասխանեց. «Ապաշխարեցէ՛ք եւ ձեզմէ իւրաքանչիւրը թող մկրտուի Տէր Յիսուսի անունով մեղքերու թողութեան համար» (Գործք 2:38): Այն ատեն Քրիստոսի եկեղեցւոյ անդամակցեցան շուրջ 3000 հոգի (Գործք 2:41): Այնուհետեւ Ս. Փիլիպպոսը մկրտեց Կանդակա թագուհիին ներքինին (Գործք 8:38), Ս. Պետրոսը՝ Կոռնելիոս հարիւրապետին ընտանիքը եւ ուրիշներ (Գործք 10...47-48), Ս. Պօղոսը՝ Լիդիայի (Գործք 16:15), բանտապանին՝ իր ընտանիքով (Գործք 16:33), Կրիսպոսի՝ իր ամբողջ տունով եւ շատ մը կորնթացիներու հետ (Գործք 18:8), մի քանի աշակերտներու՝ Եփեսոսի մէջ, որոնք նախապէս մկրտուած էին Ս. Յովհաննէս Մկրտիչի կողմէ (Գործք 19:5-6):

ԱՂԱՆԴԱՒՈՐԱԿԱՆ ՇԱՐԺՈՒՄՆԵՐ

ԲԱՍԵԼԱԿԱՆՈՒԹԵԱՆ ՀԱՄԱՌՕՏ ՊԱՏՄԱԿԱՆԸ 5- ՄԱՐԴԸ ԵՒ ՀՈԳԻՆ

Եթէ չկայ հոգի մը, որ մահուան ատեն «Աստուծոյ կը դառնայ», ի՞նչ էր որ պիտի «ընդունէր» Աստուած Ստեփանոսի նահատակութեան ժամանակ: Մինչդեռ Աստուածաշունչը կ'ուսուցանէ, թէ բոլոր մարդոց հոգիները երկինքի մէջ են: Իսկ խօսքը մասնաւորելով՝ Քրիստոսով փրկուած եւ իրեն միացած հոգիներուն կ'ըսէ, թէ անոնք Երկնաւոր Երուսաղէմի մէջ են, Աստուծոյ մօտ. «Դուք մօտ եղբր էք Սիոն լեռան, եւ կենդանի Աստուծոյ բաղաժին, երկնաւոր Երուսաղէմի եւ բիւրաւոր հրեշտակներուն եւ երկինքը գրուած անդրանիկներու հանդիսաւոր ժողովին ու եկեղեցիին եւ Աստուծոյ, որ ամէնուն դատաւորն է. եւ ԱՐԴԱՄՆԵՐՈՒ ՀՈԳԻՆԵՐՈՒՆ՝ որոնք կատարուեք են» (Եբր. 12:22-23): Քրիստոս, իսաչին վրայ իր մահուրնէ ետք, գնաց իր իսաչին յաղթանակը մեռելներուն ալ հռչակելու, ինչպէս կ'ըսէ Աստուածաշունչը. «Քրիստոս մեղքի համար մէկ անգամ չարչարուեցաւ. արդարը՝ անարդարներուն համար, որպէսզի մեզ Աստուծոյ մօտեցնէ, որ թէեւ մեռաւ մարմինով, բայց կենդանի եղաւ հոգիով:

Միրելի ընթերցող, ՃՐԱԳ քերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»ը, կարդալու կամ անդամագրուելու համար:

ՀԱՍՅԷ.



ՔՈՒ ԽՕՍԲԴ ԽՄ ՈՏԹԵՐՈՒՄ ԾՐԱԳ Է ՈՒ ԽՄ ՇԱԽՂՆԵՐՈՒՄ ԼՈՅՍ (Ս. 119-105)

ԺԱ. ՏԱՐԻ ԿԻՐԱԿԻ, 6 ՄԱՅԻՍ 2018 ԹԻՒ 18

ԿԻՐԱԿԻ ՕՐԵՐՈՒ ԱՍՏՈՒԾԱՆՉԱԿԱՆ ԸՆԹԵՐՑՈՒՄԵՐ
Գրծ. 20.17-38 Ա. Յի 3.2-6
ՅԻՍՈՒՄ ԲՐԻՍՏՈՍԻ ԱԲՏԱՐԱՆԸ ԸՍՏ ՅՈՎՀԱՆՈՒ 9.39-10.10

Յիսուս ըսաւ. «Աշխարհ եկայ յայտնելու, թէ որո՞նք են կոյրերը եւ որոնք՝ տեսնողները. որպէսզի կոյրերը տեսնեն եւ անոնք որ կը տեսնեն՝ կուրման»:

Փարիսեցիներէն ոմանք, որոնք իր շուրջն էին, լսեցին ասիկա եւ հարցուցին. «Արդեօք մե՞նք ալ կոյր ենք»:

Յիսուս անոնց պատասխանեց. «Եթէ կոյր ըլլայիք, մեղք պիտի չունենայիք. բայց քանի կ'ըսէք թէ կը տեսնէք կը նշանակէ, թէ ձեր մեղաւոր ըլլալը կը հաստատէք: Հաստատ գիտցէ՛ք ան, որ ոչխարներուն փարախը դռնէն չի մտներ, այլ ուրիշ տեղէ կը մազլցի, անիկա գող է եւ աւազակ: Իսկ ան, որ դռնէն կը մտնէ՝ անիկա ոչխարներուն հովիւն է: Դռնապանը դուռը կը բանայ անոր եւ ոչխարները իր ձայնին կը հետեւին: Իրենց անուններով կը կանչէ իր ոչխարները եւ դուրս կը տանի զանոնք: Եւ երբ իր ոչխարները դուրս կը հանէ, ինք կ'առաջնորդէ եւ ոչխարները կը հետեւին իրեն, որովհետեւ իր ձայնը կը ճանչնան: Օտարին չեն հետեւիր, ընդհակառակը կը փախչին անկէ, որովհետեւ օտարներու ձայնը չեն ճանչնար»:

Յիսուս այս առակը խօսեցաւ անոնց, սակայն անոնք չհասկցան թէ ի՞նչ ըսել կ'ուզէր իրենց: Ուստի Յիսուս կրկին ըսաւ անոնց. «Հաստատ գիտցէ՛ք, թէ ե՛ս եմ ոչխարներուն դուռը: Բոլոր անոնք, որոնք ինձմէ առաջ եկան, գող էին եւ աւազակ, բայց ոչխարները անոնց չհետեւեցան: Ես եմ դուռը: Ով որ ինձմէ անցնելով ներս մտնէ՝ պիտի փրկուի, պիտի մտնէ եւ ելլէ եւ ճարակ գտնէ: Գողը կու գայ միայն գողնալու, սպաննելու եւ փճացնելու համար: Ես եկայ՝ որպէսզի կեանք ունենան եւ լեցուն կեանք ունենան»:

Տէ՛ր, հեռացու՛ր ինձմէ փառասիրութիւնը, որովհետեւ անիկա զիս կը զրկէ երկինքի փառքի ժառանգութենէն: Հեռացու՛ր ինձմէ գահասիրութիւնը, որովհետեւ անիկա զիս կը զրկէ Քեզի գահակից ըլլալու փառքէն: Հեռացու՛ր ինձմէ դրամասիրութիւնը, որովհետեւ անիկա կը փակէ առջեւս երկինքի զանցատան դուռը:

ՀԱՄԲԱՐՁՈՒՄ



Քրիստոս իր հրաշափառ յարութենէն 40 օր ետք երեւցաւ իր աշակերտներուն՝ անոնց հետ խօսելով Աստուծոյ արքայութեան մասին:

Քառասուներորդ օրը Յիսուս պատուիրեց աշակերտներուն Երուսաղէմ մնալ մինչեւ Պենտեկոստէի օրը, երբ Ա. Հոգին պիտի իջնէ երկինքէն եւ բնակի անոնց մէջ:

Այնուհետեւ իր աշակերտներուն հետ Քրիստոս Ձիթենեաց լեռը բարձրացաւ, ուր օրհնեց զանոնք: Եւ երբ կ'օրհնէր երկինք բարձրացաւ բոլորին աչքին առջեւ: Երբ տակաւին առաքեալները իրենց աչքերը երկինք յարած՝ Յիսուսի մեկնիլը կը դիտէին, ահա երկու սպիտակազգեստ մարդիկ երեւցան անոնց եւ ըսին.

—Ո՛վ Գալիլիացիներ, ինչո՞ւ կեցեր երկինքը կը դիտէք: Այս Յիսուսը որ երկինք համբարձաւ, օր մը դարձեալ պիտի գայ այնպէս՝ ինչպէս անոր երկինք երթալը տեսաք:

Քրիստոս համբարձաւ, որպէսզի երկինքը երկրին միաւորէ եւ աստուածացնէ ու փառաւորէ մարդկային բնութիւնը:

Ան երկինք ելաւ եւ նստաւ Հօրը աջ կողմը առանց լքելու իր սիրելի առաքեալները եւ բոլոր անոնք, որոնք կը հաւատան եւ կը սիրեն զինք:

Յիսուս ըսաւ.

«Ես Ձեզր ՀեՏ եմ, միւՁե՛ր ԱՇՆԱՐՀՐ ՎԵՐՁԱՆ»:

ՀԱՐՅՈՒՄ ՊԱՏԱՍԽԱՆ ԲԱԺԻՆ

Ի՞նչ է ՀԱՂՈՐԴՈՒԹԵԱՆ ԱՐԴԻԻՆՔԸ ՀԱՒԱՏԱՅԵԱԼՆԵՐՈՒ ԿԵԱՆՔԻՆ ՄԷՋ

Ինչպէս որ աղօթքը կը սրբէ մեզ եւ կը մօտեցնէ Աստուծոյ, այնպէս ալ երբ մենք հաղորդուինք Փրկիչի մարմնին եւ արիւնին, կը սրբուինք եւ կը նմանինք Անոր, որ մարդիկը փրկելու համար մեղքի ապականութենէն, խաչին վրայ թափեց իր մաքուր արիւնը: Եւ կը զգուշանանք մեղքերէ մտածելով, որ մեղքը կը խափանէ մեր հաղորդութիւնը Սուրբին եւ Սրբութեան հետ: Գրիգոր Տաթևացին կ'ըսէ. «Այս խորհուրդին գործն է աւելցնել Շնորհքը եւ դեղ ըլլալ ամենօրեայ մեղքերու» (Գիրք Հարցմանց, էջ 594): Այս է պատճառը, որ Քրիստոսի չարչարանները պիտի յիշենք հաղորդուելով:

Իսկ Յովհաննէս Մանդակունի հայրապետը կ'ըսէ. «Անոնք, որ հաւատաւոր եւ երկիրաձուլութեամբ կը մօտենան Քրիստոսին, կը լուսաւորուին Սուրբ Հոգիով եւ օրէ օր առաքիւնի գործերով վեր կը բարձրանան»:

ԱՌԱԿ ԳԼՈՒԽ ԺԵ. 10-12

Բարի մարդուն խրատը ընդունելի է հարազատներուն համար, իսկ անոնք, որ յանդիմանութեան չեն հանդուրժեր՝ վարկաբեկիչ վախճան պիտի ունենան:

Երբ մահն ու կորուստը յայտնի են Տիրոջ, որքան եւս առաւել՝ մարդոց սրտերը:

Անուղիղ մարդը չի սիրեր զինք յանդիմանողը եւ չի հաղորդակցիր գիտակից մարդուն հետ:

ՆԱՍԱԿ ԱՂՋԱՏՆԵՐՈՒ ՄԽԻԹԱՐՈՒԹԵԱՆ ՄԱՍԻՆ

Արդ, ո՞ւր է Հարուստներու ուրախութիւնը եւ կամ անոնց մխիթարութիւնը: Ո՛վ աղքատ, որ կը ցանկաս, կը տենջաս եւ կը տխրեցնես քու հեշտ եւ խաղաղ կեանքդ, ինքզինքդ դժբախտ մը եւ թշուառակամ մը կը նկատես եւ կ'արհամարհես քու թանկագին հաստատութիւնդ: Գողերէն վախճալու կարիքը չունիս եւ ոչ ալ աւագակներէն երկիրդելու: Պէտք չունիս մտահոգուելու ո՛չ դաշտին խտտերով եւ ոչ ալ լեռներու արօտավայրերով: Պէտք չունիս հովիւներու նենգութենէն վախճալու եւ ոչ ալ գազաններու յափշտակութենէն: Պէտք չունիս բռնաւորներու բռնութիւններէն եւ ոչ ալ իշխաններու կալանքներէն դողալու: Նախանձոտները չեն նախանձիր քեզի, քսակահատները չեն խաբէր քեզ, ոչ ոք է կը վախճաս եւ ոչ ալ կ'անհանգստանաս: Իշխաններու վախը եւ տէրերու բարկութիւնը չեն կրնար սարսափեցնել աղքատը: Ոչ ոք կրնայ կողոպտել աղքատը եւ կամ նեղել զայն եւ սպառնալ անոր: Հարուստը անհանգստացած է եւ ահազանգի տակ կը գտնուի, իսկ աղքատը կը ծաղրէ զայն: Հպարտ իշխանը անբարտաւան է հարուստին նկատմամբ, իսկ աղքատը անկարեւոր կը նկատէ զայն: Երկիրը լեցուն է գողերով եւ աւագակներով, բայց աղքատը չի վախճար անոնցմէ: Հրապարակները լեցուն են քսակահատներով եւ բռնաւորներով, բայց աղքատը չի մտահոգուիր անոնցմով: Դատաւորները գայլ եւ գազան դարձած են, բայց աղքատը չի մտահոգուիր անոնցմով, որովհետեւ չքաւորութեան պատճառաւ, իր կեանքը մեծապէս խաղաղ է, գերծ մտահոգութիւններէ, ազատ բոլորին դիմաց, առանց վախի, առանց նախանձի, առանց ոխի եւ հեռու շատ մը մոլորութիւններէ:

ԻՄԱՍՏՈՒԹԵԱՆ ՕԳՏԱԿԱՐՈՒԹԻՒՆԸ
Ա.Նակ. 6

Ո՛վ երիտասարդներ, ձեր հօրը խրատը լսեցէ՛ք, մտի՛կ ըրէք, որպէսզի ճանչնաք իմաստութիւնը, որովհետեւ ես բարի շնորհներ պիտի պարգևատրեմ ձեզի:

Մի՛ հեռանաք իմ օրէնքներէս, որովհետեւ ես եւս հնազանդ զաւակ էի հօրս եւ սիրելի՝ մօրս աչքին, որոնք կը սորվեցնէին ինձի եւ կ'ըսէին. «Մեր խօսքերը սրտիդ մէջ տեղաւորէ, պահէ՛ մեր պատուիրանները եւ ապրի՛ր»:

Իմաստութիւն ստացի՛ր եւ մտքով զարգացի՛ր: Մի՛ մոռնար եւ մի՛ արհամարհեր պատգամներս, մի՛ շեղիր իմ խօսքերէս, մի՛ լքեր իմաստութիւնը: Ան պիտի պաշտպանէ քեզ: Մի՛րէ զայն եւ ան պիտի պահէ քեզ:

Զգաստութեան որպէս նախապայման իմաստութիւն ունեցի՛ր եւ կեանքիդ բոլոր ճանապարհներուն խոհեմ եղի՛ր:

Անով պարուրէ՛ ինքզինքդ եւ ան պիտի բարձրացնէ քեզ: Մեծարէ՛ զայն եւ ան քեզ իր գիրկը պիտի առնէ, որպէսզի շնորհքի պասկով զարդարէ գլուխդ եւ փափկութեամբ վերակացու դառնայ քեզի»:

Որդեա՛կ, լսէ՛ խօսքերս եւ գործադրէ՛ զանոնք, այն ատեն պիտի երկարին ու առատանան կեանքիդ տարիները: Ես իմաստութեան սկզբունքները կը սորվեցնեմ քեզի, կը ծանօթացնեմ ուղիդ ճամբաները, որպէսզի քալած ատենդ խոչընդոտի չհանդիպիս եւ վազած ատենդ յոգնութիւն չզգաս: